

北
碓
詩
集

共
四

五
之
六

末

共
四

1284
3



北碕詩集卷第五

桃花大行

非玄非黃花蒙茸炫晝不減原上紅無功指蹤走原
野兔盡倘可逃災凶禁林都是秋擊樹滿身何處沾
紅雨苔痕王砌臥斜陽又誤零霞低薄暮楓宸紫闕
芳霧濛長門永巷泠泠風夜嚴不聲白晝永羊車所
至隨從容鬼瞰高明日不瞬勾連狸怪狐妖逞百步
雖無檻虎威雙睛何用軒轅鏡熙陵以西一鉏地寸
金寸土君王賜乎分只與碧街霞生死恩榮略相似
相如飛轡自蜀都初因猗監譎子虛四夷來玉亦與
麗御考自稱前進士

錢熙泉南人進四夷來王賦萬餘言

太宗愛其才擢館職有司請試上笑曰試官前進士趙某親自選中

趙侯遙碧軒

一峯中雄酋兩峯拱而立嶄然入雲表煙開翠鬢濕佳山如佳士可望不可及詩人覩天巧妙處歸眼力新營稱華扁收此一寸碧婆娑在其下繾綣與之習嗟哉塵土中膏火日煎急青層但玉對皓首未暇識趨舍各有適初鑿不相入何當山上頭裴回瞰原隰

止止閣

回闌淨如拭古竈寒不煙宿之用彌壯渟則澄以鮮

鄉來矜襄陵今焉碧淵淵鄉來觀燎原今也不復然激湍及其性靜則知其天抑炎弗用智智燭天地先悠然百不理復簷飛畫舫拍闌撫寥沈倚楹鑑清漣山黛渺茫綠水花先後妍原隰煙雨時萬變了目前汎觀塵土中搏攫如烏鴛聿藏滿籟金更聚百屋錢亡弓苦妄真去劔疑將還擬分巴焦鹿去饁虞芮田營之復營人萬緒膏火煎何如歌吉祥塵之樂者全謝宣城朱長官○三川人

飛來何處山秀整連鳳池絕勝一鉏地天地不得私
腫斗牛間明玉生華滋廩姿歲寒後蕭洒觀孫枝
出幸山水縣小謝城東郵瑟日在御琴筵楚不苟施

春風河陽花次第芳菲之屈指九十日日把酒危
玉山不須扶百里皆酣嗜行板星辰履頤頑叢霄蜚
故家厚培壅衣綉看傳衣

天台宋紫薇光祿挽章

開過與康寧山林只一人風流兩晉舊翰墨四朝新
五袴歌宣化三盤載續綸垂楊閑意緒華頂老精神
廣樂千鈴會溟波幾度塵壺中留白日庭下擁朱輪
荷嫩衣重製蘭馨佩更紉玉頰千日釀俗蛻百年身
賦裡尋詞客橋邊問應真靈光猶在魯商嶺謾逃秦
入社宜歸洛休耕不起莘騎箕渺何許長嘯玉樓春

山行卽事

吹到隄邊絮春菲處處空苦滋茶葉雨野韻刺花風
荷貼乎池綠榴苞露井紅忽聞淮麥熟且願似崆峒

次韻陳石史賞醉落托

羅幙低開護曲闌嬌紅落托醉扶難朝來歎日疎雲
淡縱有些風儘耐寒

送王寧國○初寮諸孫

習之涼薰至白南詩人宮滿策歸驂腰纏簡短聊遵
約家法森嚴貴不貪政入民誦歌得一月臨川驛賦
成三獨餘尋丈鳴弦地儀表江東古子男

謝人餉蕨

瓦盂亭午未聞歌少負心初身腹多薇蕨不侵耕鑿

地八珍奈此屬饜何

秦權

自程文法較鎔銖汗竹韋編付盡餘倒囂重輕矜
密不知三十六年疏

鶯

最堪聽在綠陰陰緩緩歌醜細細吟別院曉聲知幾
許田已抵死只臬音

芳渚秋零小卷

沙明石老水收痕零露寒生宿莽根欲盡夕陽秋態
度莫添白鳥破烟昏

彭教山茶敵勝宣城

吟壓宣城小社陵忍紅紅擬白頭唵丹滋曉滴珊瑚
重闢戶春寒翠幄深

時齋

易去苦難追知幾勇不疑梭纔起雷澤魚已奮天池
夜冷梅粘雪秋零挂著枝風雲與人會先不與人期
臘初雪至月末

四野靜無塵崇卑砌得勻不才添臃腫瘦節耻輪因
亂委無非瑞才消便是春多年聞混沌今日具純真

梁太子釣臺○池州

晴拂雙鬢曉未開先駟寸碧渡江來傷心舊日垂綸
地幾度江春去又回

清泉得名於真大參

清者畏人知，泉胡不病茲。土疏分石勝，砂淺靜風漪。
微腹應同潔，茶勳亦振奇。出山嗟渾渾，三燕起余思。

九華山

九華宜帶雪，故故仲冬來。翠掃吹梳洗，玄冥未剪裁。
驟觀疑舊識，近看若新開。曾說壺中玩，多應小有才。

老蝨牛

一戰長驅七十城，可無餘勇看春耕。歸來不作凌煙
夢，只寫清溪瘦影明。
力穡丁夫畫裡看，閔勞念舊只長歎。斷魂千載荊州
市，尸素甘心飽阿瞞。

雪旒

九達埃壘點人衣，踏土何如蹈浪兒。爛熳溪頭千樹
玉，風簫月笛興闌時。

放開○吟泉亭

截住冷之碧，透沙放開袞之怒。飛花石疑初裂蓬婆
麓，鯨擬洪奔海若家。殷地賈餘翻霹靂，噴巖川壯激
豁呀。憑闌小竹觀流止，不獨觀瀾一笑譁。

下竺朱桐花一根出石上見之四十餘年

綠柄高扶絳玉開，層層八萼三染猩。栽嶧陽曾止青鸞
翼，無此奇葩更不來。

巖山人餉浦菹漿

翠朵拳藤剪綠垂小槽新壓水晶澌涼州亦有楊州
鶴惆悵川人只要詩

送心上人歸琴川

五道川流似五弦綠窗朱戶照明鮮飛來峯下僧歸
去髣髴華亭落照紅

煙竹

林疏略見兩三分不是嵐光不是雲函展生綃輕著
墨幻成初日度晴熏

秋夜

歛涼細意入簾櫳禁樹秋聲未擊蒙展盡綠焦心寸
寸幾時消息到梧桐

天竺兩峯堂待月

腫如水洗新秋到兩峯前凝不流曾似丈人祠下
看丹梯飛步玉華樓

代人上魏左史

榜下盡橫飛龍頭尚立螭穹崇方善下謹厚孰逾卑
制作雖師古經綸盍制耳迥超千丈俗密契九重知
北海客常滿西湖雨亦奇文傳仁者壽用適聖之時
數道甘棠詠叢霄湛露詩未移騏驎步已在鳳凰池
紫橐荷芬穠巍冠佩陸離橐中雲錦段拈出解人頤

水月菴

心蟾光腫性靜湍不起悠悠小天地萬化渺無帶

清苕半淙水月菴碧蟾夜先清涵曩曾借榻坐涼
樹細數秋毫闕夜潭猶來清圓捉不得何地容茲老
豪逸脩名與月俱不死衮之東流幾時息鄉來萬州
賦此詩寥寥百歲無此奇詩在天西錦官寺珠璧照
人覺形穢

劉寺庭犀盛開

夙井庭犀玉載腴樓前樓後著花初不須素幌縈檀
象只放鮮風入綺疏恨弗同尋姑射住却疑儼得廣
寒居露零夜老秋衣薄獨自裴回繞屋除

直院盧浦江爲余作壽木怪石

草枯藍田山飲羽誤入神歸來落清夢起寫贗虎真

槎牙虎邊樹霜虬蛻脩鱗鄉來一寸根今者千歲苓
凍雪壓不低華風吹不春落子大蔽牛萼起厦屋傾
日月弗知老休此堅與貞年平姚家黃角逐魏紫榮
十里春風香走殺陌上人大妍極遠到不得一月程
居然事顏色只與朝菌盟安知有耆艾落落仍亭亭

江西定上人梅

眼明不識春風影收拾風煙入夢思一笑自知天下
白墨名鳥足累水姿

老黠放耕圖皇甫都護鴈圖二絕

蓑笠從衡敵餓蕃螟歸晨作俟豐年誅求莫撓雞豚
社春雨春寒苦最先

筮三何處一聲秋杜若汀連宿莽洲米熟菰蒲隨分
飽危機多是稻梁謀

木犀著雨

空川雨淫秋妬我庭 犀犀粲粟玉英浸漬仍歲糶
有如春方中名品嗟淋漓因依海棠泪著此霜蟾枝
聞此輒掩耳代犀前致辭燕脂怨無香姿色獨媚時
烘晴睡未足已驚胡馬嘶彫零怕隨雨嫣然成慘悽
鮮明擅韶華不足較等夷自怜宮樣黃不結春風知
木蘭固可友宿莽亦可師正色俗子憎濃馥天風吹
苔痕淨如染綠展承霏々故家換骨法降真台傳衣
大山與小山騷雅同衿期至今百世下猶有薊林詩

何心與物競有泪無從揮

秦時石酒缸

臃腫窺秦制曾聞釀酒來腹如包括脹口作井吞開
北築飢難療東巡醉不回痕雲疑激灑餘瀝暈蒼苔

九日還山中

去年佳約負東籬鳳井丹犀彷彿知便使山靈先勒
駕明朝更擬北山移

虞美人草

君恩如海海不深妾義如鐵利斷金舍生取義我所
欲忍死織室羞同心春姿忽作秋蓬委一寸剛明曾
不死明年原上野花繁一枝自託華風起裊々娉々

不成艷態度淺深生色染同人欲訴却無言寂寞千
年恨誰掩芳郊遊女宛轉歌倚春拍手看婆娑露晞
初日枝頭墜猶有君王別時泪翻劉覆楚知幾何大
風竟作還鄉歌淮南區區欲爲席淮陰堂堂賀深稀

荇苔

濕帶秋痕綠可庭花陰竹色借鮮明替抽翠筍愁穿
破箇柘青絲喜剪成戶外倚筇遮俗屨樓頭橫玉觀
寒英平陽小惜黃金埒稠疊蒙茸四畔生

漁父

謀生與俗違一葉浪中蜚水易分團月雲難隱少微
雁沙眠晚照鷗渚權晴霏見說蓬萊淺尋津問釣磯

裝冬後不速之客來

綻裘紉絮辨冬和羽化其如獨令何藕蕩欲舉霜後
葉曉來零落更無多

王總卿季和歸自關西

關西長慮獨兢六萬寵分屯感慨深不易制如巫碛
水最難得是蜀人心擬灰忍見俱焚玉銘鼎徐看小
篆金欲倚籌邊開玉帳共觀城外栢森森

耕谷○鄭

屨痕不印步虛壇欲事鉏犁恐亦難雲子熟時還自
飽不知沈澹與誰食

識全○鄭

占得沙邊柳外春更專吟嘯管陰晴延祥觀後蒹葭
老月且工夫子細評

石亭口劉

蒼壁痕雲煖不消午陰花影共林臯丹菴亭樹無人
守付與縣枝雪色猱

秋塘報陳提刑計口兄弟三人皆詞科

宏博曾聞鼎足無脚纔實處卽榮途恰觀次第行初
志冀懋神明振後圖齒失半唇忘屏翰棟聯雙萼更
紛敷鄉來少驚煩公笑却憶公言謂故吾

送傅兄歸江西簡諸宋諸黃 傅祖居越州

冲和正脉到江西中有千巖萬壑奇百鍊易成終功

玉一炒難辨必精麋艾蕭雜處芝蘭馥風土殊方枳
橘移鐵石故家清婉賦盍臨疎影寄子思小宋兄
墨梅不下定師

題高髯墨菊枕屏

欲種團枝香無地著蔓延密化移春霏零露生秋妍
非金亦非玉米之仍田之食英不成夢喚起西窗眠
題高髯詩藁

翻水千篇未足哦不酬一語亦回科若非身世相忘
久應是江山得助多旬月有人加蝦鍊壺觴無地不
婆娑西湖南蕩相尋處門斷紅塵接翠蘿

接虞稅院貫卿遺書

盡心如善射百步中彌親不競與閑契尊生爲死隣
關譏千古恨日計兩眉鬢一卷花嚴易心知更幾人
甘園尋梅

疎枝重複裹莓苔護得寒英煖未開料理不關元化
事翠華長是雪前來

楮幌春生斗底房小知冰結夜來霜無因領略黃昏
月只遣疎鐘管暗香

松御座

偃蓋交柯坐亦宜春風翠輦憇逶迤大夫寂寞山陰
道不見西湖鼎盛時

雲

自是無心物依稀似有心因風纔冉云釀雨忽沉
一末紳朝嶺重簷帽晚岑丁寧休蔽日我欲耀陽林

趣徐無競作水仙

抱獨貧如我飄然更我伶親思文瘦婦笑伯鸞顛
混之污成俗腫大碧覩天肯移羅襪步薦菊些林仙
雪湖池上新築

疏綺闌冰池苔封老石磯與方深避釣鷗亦早忘機
滌研蝕殘雪觀書競夕霏春風長似舊還趁雪中歸

曹瀘南得

思陵舊賜張魏公琴口敲雲器遠

岷峨豁塵昏舊賜出敲雲不知落人間蝦蟆幾虧盈
晦顯固靡常數豈逃冥云想當風雨時破壁應有聲

懷璧我匹夫呵護煩百神一朝得所託倏若屈蠖伸
人以器圖舊器以人懷新玉軫黃金徽爛之奎畫明
魏公鵠名氏千載如丹青歌風調舜弦感物懷堯仁
扶日月中典四海同一雲載維艱難初事與得失并
萬寵嘉陵江飲此一掬清悠然一再彈萬里懷長城
雲絮初無根勇變嘲哢鳴捕蟬寫真意弦外無人聽
空嗟易水寒遺恨崆峒乎

杜侍郎之遂寧

寧爲輕以清抑爲重而填重輕惟時中舉輒麗吾正
誠齋振家學本末盡誠敬所施見備次所囑洞遐隱
咍啾雄地籟靜勝了天定一經早授受吳霜未侵鬢

精明紫荷臺所蘊固未盡玉堂與天遠仙槎向人近
旌旄屋頭州維翰倚東屏歛此一道惠徒引北庶領
泉山跨鰲碧橫江秀而整吾親在其下扮榆接封畛
家有老吟僧河海借餘潤

喜曹安撫還自瀘南

蜀道因仍漲燧煙煩公玉節照山川省闈三見文衡
正邊柝雙兼武備全傳自老成需代去不知威慧備
誰宣回頭半壁西南地不是尋常刺史天

盧直院挽章

玉堂雲氣鎖空濛回首泠然跨閩風紙貴又騰身後
賈駸亡舊策眼前功螭緣竺碣題名石鷺憶夫江載

酒篷零落九華三四帖腫之猶在破囊中

宋左曹湖州諭

皇華萬斛下苕溪夾道甘棠映綠漪爲問只今回首
處仍如它日勸耕時恩光纔洽腥風靜烽火初消化
日遲士不明經無足用鄉來殷侑亦如斯

永嘉壁書記攜諸公詩卷索語

草思含芳夢亦疑芬陀權秀自枝之人間萬事醉眯
眼江上數峯青到眉多暇湖山分晝永少晴風日共
春遲一春幽事從頭了先破蒼苔吊紫芝○趙天樂

和寒泉春日兒童三詠○趙未迂

爭跨迎俟彩竹新相呼回策巧如縈一鞭看是誰先

著稚子群中覓祖生○竹馬

縱輪不卷只嫌低高處安知鷁退飛弱纒不禁兒輩
掣斷鳶茅下斷雲歸○風箏紙鳶

煖響烏盤二月初調高不作小單于年年陌上兒童
戲嚼微含商盡不如○烏盤角

醜寒泉牡丹

見說姚家與魏家紫瓊黃玉剪紛葩亭亭貴重推名
輩歲歲清明賞大花日褪曉晴連影好露添夜冷並
枝斜一從婁舞霓裳徧憔悴春風物華口京師牡丹
謂之大花

上巳日

龍飛乙酉三三日節物催春睡不知便作花殘鷓老
態略無天朗氣清時麗人行欠高吟續禊帖碑從雁
本欺逸興不隨今古盡振衣千仞赴心期

柳絮

滿城漠漠看飛揚百鍊剛非賀老腸
褪雨不收知醞藉倚風無力信行藏
可曾著意隨流急竟亦何心作許狂
酒似海留春不住爲春回雪薦離觴

杯中魚子

眇如絲粟便悠然注玉深中淺注泉
再暈不知前夜月纔生便樂此中天
羣分自笑如兒戲聚育誰偏得母怜
罔罟不來斯可樂洋洋何必泳長川

悼陸秘讀

諸老騎箕上太微仲謀不似景升兒
廢尋蹊隧十年古光奮宵襟一段竒
直敢昧尋嗟枉尺方寧適義不成規
泠然差早終無媿安俟名垂竹帛爲

三賢堂

彈壓風煙盍鼎分一新丹碧耀層層
異時三鳳鳴還止舊約羣鷗喚得鷹
舡繞砌雲尋水步葑侵蒼影似田腔
關心夜老梅花瘦別有孤山樹上僧

題煥少章墨菊

米薇不療食英瘦著眼無從到
朶頤秋露滌毫餘曉馥便成畫餅亦忘飢

謝疏寮高祕書同常博玉省元月過

友生朱與葛月且說疏寮老錫忠投越春江夢趁潮
句新哦易熟燈喜剪難消聞道舉旗鼓山林不寂寥
不縱青雲步行間著得麼官居最華要吟似老頭陀
行輩今差少聲名早厭多猶將三萬軸清夜答弦歌

疏寮詩劄附○夙接江書素心盡降一離名峯

便成杏隔杜陵歸後始得清題情之所鍾何必
見安道也二作峭眇不狂飛聲自怜衰調易可
蒙塞若有寸暇尚續前盟

恨不相從早分渠月半寮墨飛春澗石茶袞夕鐺潮
尚到如今瘦情從此處消爲君料理極參透碧寥寥

憶昔相尋處時今可更應春愁侵磊隗晚步隔坡陀
風入唐聲妥山函蜀氣多一春聽盡雨此意與誰歌

刀聶工

彈鐻何曾欵俗高清晨且了夜來經匣非臺鏡人誰
鑑閱少年頭雪易零老葛句留身後貴顛僧髮燼死
前靈白厓雞罷還來雞饒得長安兩燭醒

智迂畫牛

力敵難教死關心墨輕毫淡柳陰陰莫將觝角迂奇
思只寫洪川扣角吟

盧玉堂枯木怪石

礪礪不坡陀非才謝伐柯相看如我瘦想見閱人多

譽笑丹青俗工如水墨何經營盤磚際天地困搜羅
十四夜竹間對月客有說丹霞張邦博已還豫章
華王初痕隴樹顛腫之俄頃散澄鮮已無纖翳淨如
洗猶有些兒修未全竺友嘯聞青嶂外胡床移近綠
筠邊懷人長恨千川隔雲淡天低鶴未眠

定平懷墨梅

南昌梅少府人道是梅仙不療疎枝瘦安知壞色妍
春歸天上去真自鏡中傳回出唵幾杼無聲亦自賢

次周和州韻

綠水繞園廬花無一日虛柳橋閑研席竹嶼小籃輿
惡草防滋蔓新篁或剪梳不堪奇守累酬接費分疎

杯土銘騏駿詠如柳子騷滌新藏缺研慙舊惜殘毫
射石懲年少聞雞仄枕高雲低鴻翼遠弋者不償勞
圖翁瓜圃出故淮東使者方詩境所藏楊補之
三友

畫壽詩中境人修地下文金蘭三友合涇渭兩邊分
凍壑層歆蓋炎天獨大君莫嫌疎影瘦及與欠清芬
落日汎舟指趙寒泉劉成道

雨添湖滿綠浮堤高柳搖青接葑低覓得晚涼舡便
伴蒼料陽處聽蠅嘶

送潔老歸碧雲新居

小小如巢傳稱懷隣無百萬買洪崖妙雲子熟呼仙

餉借雪精游與俗乖禪謬分燈傳口耳耕寧合耦外
形骸田中大義休提掇定與諸方打不諧

宋兄安卿墨梅

清婉渾非鐵石姿故家別調合傳衣華風不療春痕
瘦可是工夫不造微

鳳泉初月

一痕隱隱介亭西庾亮樓頭未醉時多是團團深夜
看可曾見此巧如眉

奉安長官趙兩山約觀將軍木石鏡珍瓏山淨土寺

逐鹿區區百戰酣道邊誰掩大夫懸錦山錦野幽尋

地獨對將軍憶召南○右將軍木

堅中素蘊獨晶晶異質潛分付目成泐盡燒痕猶反
照菱花多是用常明○石鏡

斷崖飛磴徧題名刻盡珍瓏老石英欲寫苔痕酬勝
踐偶然天籟不曾鳴○珍瓏山

敵觶何如款段騎襖頭番著副紉絲脣中天地無人
識只有橋邊白鷺鷥○淨土寺政黃牛

威德方丈桂著花長官趙兩山相過

舉子忙時筓秋庭桂子春暫分食菊伴來款種花人
密影窺簷小繁英趁月新發矧盤錯外樹下看修輪

辟安長官號兩山

小築難謀似鸞營卷簾容鸞賀新成綠抽萬玉鬢入
俗青出雙螺闔戶明家與宦貧寧免仕後教鶴伴不
須驚紫荆花下庭萱老濁酒狂歌燕弟兄

雲天瑞所藏李唐風雨圖

袍車卷東南白晝沙石昏悠然隘西北頃刻潭湫翻
晴囚展李畫黻黷迷江村乃知筆有神巧剔造物根
信意潑濃墨了不見墨痕但見平林黯黯木欲折輓
底怒浪掀天渾平地十步九蹉跌奈此倚岸舟如盆
待非折天柱恐是顛崑崙不然菸菟鬪下巨浸瀆
蛟勇鬪濤山崩空江冥冥不知曉更無一箇閑鷗鳥
斷岸微茫水亭小三兩重死都卷了離酒雲陰翻

然如惜金西子宜淺粧濃抹尤清深於戲此刻不可
尋百金一筆不足踈掩卷袖手空沉吟

送侍左秘書高疏寮得處州

一水分吳越幽思可得分軟紅殘汨之堅白掃纒之
富卷投囊草芳餘壁蠹芸傍池雙宿鷺留得水邊雲
詩人去作州需次小遲留風物快題品江山怕攪搜
竹涼深處榻萍醞醉時甌見說三巖好國書話勝游

送宋左曹得温州

翁居藩輔久未年又相先萬石不足數一燈無別傳
家聲青瑣闥風味亦城仙好是猿啼處霞標最近天
數峯江上青宜雨亦宜晴著意書難就助人吟易成

縣官懷近羣郎署暫專城况是烹鮮手襦歌屢有聲
寄安撫曹觀使

君子不宜閑之中有節文檢方醫竹瘦圖蔓發蘭薰
見說新添鶴頻留欲去雲應無浮俗事嘈雜玷清聞
簣管抱節癘風味似樓居自是宦情薄客教杯酒疎
掃除新築室收拾舊觀書何必陶元亮斜陽自荷鉏

孤山彭高士借榻

萬籟笙鏞一枕秋幌雲垂地月痕收偶然做得還鄉
夢夢見鴻濛與道游

月渚

秀色老千巖囚虛小鬱藍水明收晚照沙暝展晴嵐

野餉隱淪共清游名勝談中秋無好友舉酒便成三

寄福州李怕達○神林沈氏館客

江漢歸來重訪尋貂裘未弊亦塵侵碧眸憎俗重局
戶白羽扇涼一撥琴池草易生苔水夢萼菱蕪老故
鄉心有書若問東陽瘦記遣神林問慧琳

輝船窓見迢

北岩戒壇纜稅駕過湖問路扣吾廬權侵葑畛輕於
葉策盡松陰緩當車圖上衆香和露寫袖中經卷殺
金書飛來更踐重來約莫遣山靈訝閑疎

送魏貳卿之靜州

一其所二一成非揆以人情萃必睨鏡豈有心私應

物楚如不衆敢咻齊瘦歆雪夢難諧俗勁錯霜依鼎
肯低岫嶠芳塵猶可襲騰收赤箭就刀圭

春柳睡鵲鵲圖

麴塵縷縷鵲深棲寫出章臺二月時幽響不知何處
喜一聲鵲鵲聖先知

破川高僧塔

寺倚四僧傳僧今已蛻蟬塔隨蓁棘老德與苾芻全
翠滴添衣重雲低染屨鮮何年山脊斷飛去玉蜿蜒

破山瓔珞檜

雪枝新縱縱霜子舊玲玲溥露煩添綴縈風緩剪零
貫珠煩蟻度編貝倚誰經瑤草隨山盡來尋千歲苓

醜趙西里游虎丘

相攜上鬱峨舟似葉隨波寺壓秋痕瘦雲沉古跡多
遠舒高處望清逸隔舡歌盡寫吳中勝新唵細濯磨
曾說劔池游風煙入校讎臺孤頭點石宵迥趾翻鱗
彩鷁山前棹青鸞水上樓暮關須小待欵曲盡觴籌

蠡口

未謀人國已謀身往事無從問水濱游鹿諄々猶在
耳平湖森々忽揚塵寺明丹堊低蒼古樹飽風霜老
節新又埋闔閭城外權更撫陽鳥傍青綸

楓橋酬張季思

欲喚扁舟一訪尋開窗回揖小猊岑風晴階葉聲應

燥目遠孤鴻影易沈
食為菊英聊緩帶
醉國雪萼小低簪
隔溪半夜疎鐘到
定有清新入短吟

分題畫策得山茶

綠枝丹葉未春回
生色潛隨米筆開
欲伴高文歸大冊
道山延閣小蓬萊

寄三衢使君趙寺丞○希綦子選睡詞不應詔

刺史天開卷眼雲
廩姿如玉照人明
蓬萊地逆異塵世
其穎風高凝古情
度外峻超千丈俗
春來又勸一年畊
屏蕃王室皆同姓
况是金甌覆姓名

續賦祥鑑義梅花

香國開樓居桃李
合戍邊移恨賞奇
怪屢舞却錦纏

靜聞竺友吟
粲若春雪初
暗穠騰鶴膝
蒼蘚腥蝸涎
既明紅紫倫
更秉薰蕕權
樹寒自零苑
柳暖自眠
透蛇木蘭後
揖遜凌波前
凌波不忍去
步月時踟躕

復老歸東嘉子亦治遠蜀之裝賦別湖上

華風小常煖
華月豈常濯
冷之弗鳴條
問之自及照
野馬空眯目
燭火謾騰耀
誰結螢囊口
寒原並秋燒
誰朽土囊腹
夜壑哀萬竅
向迹雖暫熱
憑力亦易悄
悠然付靜勝
了不直一笑
山林隱君子
浮俗固殊調
華風起穎禾
花月挂林表
既安雲壘妬
疇忍塵雜擾
角嘆一麟足
鸚洗百鷲少
弱水三萬里
蓬萊眼中小
况夫左傳癖
舉世不足樂
亦復烟霞痾
沉綿頗相肖

云胡去留柄坐日佞士畏揮手從此別掉頭莫回眺
愛惜雙眉厖脫略萬事了龍翔解懸榻雁宕拓吟徽
摩娑送鴻目擲弁連鰲釣雲來寄心思臨風一長嘯

書六一居士歸田圖

賦出中樂駕言歸勇決如何得似詩之後退之盤谷
序畫成猶是未歸時

孤山後

采鷁浮春踏齒歌延祥觀後晚偏多可無人物如張
緒只是垂楊不似他

石林諸孫葉子雲左手法二玉逸蹟不下右手
桐軒法鍾王人鮮出其石中奇左運腕亦復龍蛇走

悠然伸勁畫壯甚紫鐵鉏番然變道古古藤瘦牽糾
輕墨蔓如縷大者大如斗故家翰墨場有此壇場手
星星滿青鏡入眼未始有四支同一初視聽有常守
執捉與踐履造次各先後云何互其用落落便相偶
猶來幽人心問云淨不垢衡從一機透衆妙俱輻輳
逢原蓋自得左右均去取伎業隨根本股肱副元首
一身小天地默窺元化母

盧次夔一第

得失見君心令人恨滿膺諸賢品華玉四字獨蒼蠅
留取攬前步來居向上層趁將春未去載酒嘯吟明
○諸公批得及分數陳批云深占難曉

杜鵑

舊草堂東水竹西
年年只與落花期
長亭今夜聲連曉
愁似經年病拾遺

橫翠閣

闌干曲曲西待得
夕陽遲展畫真成
贅無詩却不宜
鴻雖供晚眺月欠掃
新眉安得冷然御來
觀烟雨時

太守陳中書問彭教近况

徐君舊剪茹小小亦堪巢
野客便招隱閑情賦解嘲
村疎難得友葵熟易爲庖
鼓吹分蛙部琅玕長竹梢
瘦尋殘火種冗剔故書抄
北菴雖移檄西湖未絕交
貧優寧似負推固不如敲
自審如衡石誰能較斗筲

曲池風力鼓缺甃
蘇文凹曾枉行春
那方題滿近郊

陪陳中書游兩仙堂○小謝太白

透雲兩鴻鵠何年忽
卑飛指爪泥上留
弗與歲月移大聲疾
璆琳萬竅不敢嘶
琅然谷空山玲然震
清溪俯仰半千載
日日春菲之緒餘
及草木草不竟莫知
坐令萬金產不直
五字奇江左數六謝
選中輒見推清新
輩阿連亦豈媿
客兒○江左諸話見於選者
六人希逸無詩宣
遠叔廩有詩不工
靈運惠連元暉共
有六十四篇三人
詩至元暉益工然
蕭散之趣亦復少
減漸有唐風矣
開元天寶間有客
償心期玉頰沈香
北健筆揮珠璣
天威不可欲人爵
不可縻此邦

非故鄉每至輒倦歸樓居寄逸想更較先後爲有美
池上仙廩之巖壑姿轍飛兩公後愍若飢渴思作堂
肖公像疊嶂雙溪西幻出天上人對啼玉羽衣乾坤
浩蕩春盃之在兩眉清水照人冷恍如吟嘯時冷々
氣欲僊擬馬游龍騎世隘島足容才大不得施至今
騷雅流臨風揮涕洟

淡墨水僊梳子

爍石流金記暴嶷古壺疏插煮泉溫翠扶柔玉春無
力獨與華風伴月痕
六萼粵腹透上明六爪垂實趁秋零眾香醞藉須彈
壓笑挽淩波賦鶴鴿

陳紫微赴召

帝輟詞臣重撫綏次邊尤軫大江郵百篇斗酒玩萬
物十雨五風終四暮誦頌不遺纖悉美形容難盡詩
多竒縱龜放鶴朝天夫豈獨江東列郡師
苦心如藥廩於米贏得衝冠雪一簪千載四明登陸
處三生五月度瀘心清冷烈暑生秋思諸協涼薰入
正音今日憚公如憚賸試看塞柝夜沈沈

陪陳紫微麻姑觀

不憚朱砂九轉遲絕憐崎嶇令君癡一杯幻出新春
玉更聽人言狡獪爲

題蔡姪峴山秋晚

分明寫出峴山詩隴樹初寒晚照低掩卷只思入墮
泪不思量到白銅鞮

續當涂別駕林率菴賦謫仙李翰林

齷齪復齷齪未死如未生公去月明在留得青山瑩
奇山倚公高屹立千載英翠嶽拓吟壘飛瀑按酒兵
行客一仰止折幾鄙吝胡狂歌長短吟憲古日月明
俊逸兼鮑謝麗則儕雲卿驪騮博艷姬上苴羣方兄
節峻玄霜嚴義重紫禁輕酥土土長燥雷魁何由平
生男禁多才此話聞阿庚真才弃如土大厦誰支傾
不用謝安石大雅空垂名

白荷花

數晦澄漪不用耕移根玉井不曾耘羽衣何處霓裳
徧翠蓋參差蹈水雲

白蓮雨後漸衰

曉池芳柄裊殘馨褪雨歇風驚委翎碧展一奩秋練
練似憐玉色鏡中零

送趙丞○處州之庶士

歸裝又逐西涼去輕省還如赴上時廉者固宜疎住
計富哉只有送行詩貼天自與鷓鴣舉銷紙誰容雁
鷺欺它日宣城廳辟記歸然一樣斗山思

三角亭

成規與俗殊鼎足外無餘曲是從前惡圓非近日踈

神川分檻小槐影直簷虛要識其中趣明明舉一隅
憶水芙蓉木芙蓉寄西湖諸友

竹涼池館綠荷風同看吳宮小隊紅小却亂紅深處
權西陵倚北斷橋東

花滿秋城闌水明鏡中滴露掌中零曾離新詠游花
下寫寄城中石與丁

灞橋風雪圖

橋滑驢僵噤不嘶詩窮弗死反窮詩華山邊是吟疆
士更欲煩君寫倒騎

次韻林別駕○率菴

官分長貳榮樂事勝專城避俗如僧定尋仙結伴行

吟疆寬處拓醉玉醒時傾擬叶填箎響邯鄲步不成
往往溪頭寺曾陪太一舟港收天影縮橋礙浦雲流
練石聲聲月丹楓片片秋砌蛩添苦思吟動灑西愁

次韻謝學士

廩姿行復偉衣冠蝸亦何曾耻暫蟠入夢火曾忘博
約得書多是報平安雪零短髮新尤甚盟近黃花舊
不寒肯入亂山相勞苦密雲香鬱破團團

對菊寄王常博

鮮風嫩日養芳新來會閑人九日盟相澤畔唵騰曉
穠就花中隱著脩名碧浮騰嗅茱萸醪黃落誰搖沈
瀼英商素雅爲仁者壽薦甘齏碧輔清明

題張雪湖吳山煖暖

山藏曉靄樹藏雲，一駕難追欲去春。
鱗砌古愁千萬緒，國君開卷又重新。

次韻玉堂盧蒲江省中木犀

一種分蟾各自知，人間不似省中枝。
繁英盡委開仍好，幽馥先來去又遲。
雨後莫忘秋曉步，風鮮曾約夜涼吹。
小山縱有淮南賦，可是蓬山欠景差。

盧蒲江雪夜約同省中出示采菊讀書煎茶

種橘四詩索危秘書諸名勝同賦

拙須裕速巧須遲，盡巧依佈與拙宜。
除却藝蘭紉楚佩，及騷只有落莫詩。

糝蒸負腹媿便便，偶上蓬萊借榻眠。
夢過子雲還問字，夢醒龍液冷無煙。

亭亭古砌剪霜苔，密瑣疎櫺冷不開。
紗帽籠頭防俗客，小團新錫上方來。

青壓低枝欲破香，秋遲風燥未曾霜。
只蕃江北令人笑，更試仙山與道鄉。

○盧蒲江四詩

旋移黃菊不嫌遲，晴日霜庭晚更宜。
閑倚石闌衫袖薄，偶然秋思入新詩。

細字燈前老不便，小齋新冷夜無眠。
數聲墻竹蕭蕭雨，一縷銅爐淡淡煙。

秋庭木落長莓苔寂寞東岡菊自開惟有詩翁幽興
熟每攜茶具竹間來
小擘枝頭滿初香累累秋實正宜霜每來長是移時
去爲爾風流似故鄉

北碕詩集卷第六

聞雪湖張簽判計○子蒼

嘉興陸長官遺我尺素書報云鈞夫詔九地敘我好
友張雪湖雪湖翩之上天去下跡塵滓如何如國依
未去時冷然山澤癯萬象困搜攬撚斷蒼髯鬚十年
不調閉戶居鐵石不受煙火腴辟俗如辟豕負塗後
來稍之低簪裾百步掩鼻猶反趨官高金多嬌妻奴
蟻蠓亂眼才斯須填門只有長者車北海尊酒無時
無明朝一飯欠宿齋印泥指爪嗟鴻鵠精明定化爲
蘭菊紉稱騷人陸離佩英泛綠尊澆鬼雷騷人之腹
秋蟬清吐芳騰馥日日新紛紛郁郁仍輪因散爲天

地無邊春

吳提幹之官洵東時狀元赴闕

赤季振華裾晶晶照上都對床風送雨隔岸越分吳
池草水漸煖庭萱玉色腴綵帆飛曉鏡拂拭賀家湖

吳狀元赴闕屬陳兼僉催送行語

細把前朝聖政推婁教龍首到黃扉自南渡後從頭
數比舊京時過眼稀磊砢固當爲世用風雲端不與
人違采薇只在丁山下亟佇青鸞入翠微

白藕花寄袁狀元倉使

澄練徹山脉玉透山池沙老火奮殘爍廩姿燉不瑕
方方秋一奩彈壓紅萬葩安得濂溪叟來賦東林花

立秋前一日蛩響

火孕金英眇未抽學吟先報短檠秋傍窗裏之清如
縷明日西風一樣愁

寧國奉聖寺有許渾舊題

題壇五臺賓山名益著聞禽珍騰逸響草異薦奇芬
壁可曾留錫簷棲欲去雲塵囂避三舍不度碧溪濱

次復齋奚左藏補陀巖寺韻寺有象鼻巖渴

霓皆佳致

當年聚石賦全提斷處飛梁險處梯鐵展霓腰疑水
竭玉伸象準卷雲低危於漢使回車坂深似秦人避
亂溪鐘梵殷床連夜且相忘猿鳥各安棲

石如虹至水際余名之云渴覓

直舒千尺怒谿訝高貼雲根枕水涯水竭欲飛仍小
住砰轟欲跨阿香車

復齋墳前左顧石龜

寬晉密罔斷江流好在雲藏莫浪游我欲黃金如斗
大斬新左顧鑄餘不

清隱寺乳泉○復齋作記

脉通九地各東西洗盃曾分牧女麋萬斛從來不擇
地試看一滴汎華池

仁壽堂

關開蕩蕩城中天朝菌靈椿總大年鑿井耕田皆帝

力不知誰黨復誰偏

奉聖寺江閣

散衣江閣撫疎簷吹徹西涼已屬饜得隴未終還望
蜀半規更待月纖纖

隱山

小嶺明明屬小支傍山論價與山違巢由去後箕山
老夜夜天雲隱火微

酬當塗何戶曹畏齋金陵三篇見寄兼東餉臺
上幕許從道

山木淩秋似鬢蒼靜觀浮俗飽炎涼喚回猿鶴彈三
疊話到陳隋笑幾場雲度閑情疑路斷草生奇韻添

林香莫乘殘照催歸騎白下留門慣漏長
筆研白首不逢年間得新題似得仙磨透纖泓空費
刀吟殘余薤弗成篇未忘陋巷希瞠若不信長虹死
浩然小駐行雲聊寄恨莫為愁雨濕吳天
松根葛藟亟板緣勢極青冥恨不前鶯闕好音春不
響鶴嫌遺臭夜移眠回頭華表一千載開眼檀羅十
九年想見息陰羞惡木斷魂嶺海吊諸賢

克己齋

罔念聖爲狂醫狂亦有方止遠遵穩審私孽珍微茫
吮俗嗟封殼耘心破畛畹它山石攻玉日用細平章
雪屋

霰集夜來寒樓寬楮幌鮮化溫新換水栗爆舊存種
夢草疑非蝶吟眉凍聳鷺蓬婆累天白皎五雲連

麗雲閣

零雲闕占地飛閣小侵天日與孤鴻去帆駟短艇還
綠蕪秋野外島戌夕陽邊只尺闌千曲丹青色色全

西菩寺三題

躡息如龜小作巢霜零竺子綠雲交六爻動著如雲
變輒莫其中一爻○藏雲室

本來無垢亦無塵塵垢皆從洗處生衮衮潢流湛華
月腫隴無夜不鮮明○餘軒在叅寥舊房
蚤覺元龍不足豪冷然步武老嫌高刺天豈見羣蜚

下欲駟晴竟看飯鰲

江東李倉使節制移洵東倉使

千幅紋邊著意深○池陽有鐵佛足上有姓李者又有舊王僧名明者公與報恩明老感此而別造寺龍門檀越識重臨旋螺數髮爲公壽卍字捫背印此心土節生風淮岸曲金輪碾霧越山陰誠明空覺曾無間磁石巖巖一寸針

喜雪賀趙守

不見鮮明剪綠洲焦勞夙夜勸精祈臘殘雖缺三回白歲閏何妨十日遲孰謂天高催不得自覺心感弗曾疑靜中覩破玄冥巧留作新春第一奇

擬絮因風又擬塩只今此話可曾拈待將巧思形容盡合避新條比類嫌褪煖已先雲惜瀕挾寒相次雨廉纖落梅聲裡渾如晝問之橫陳透玉蟾

送春

曆頭拾拾三月小銷減欲去未行春租帳不知春去處清茗拍拍柳晶晶

開田

曩說珠師邁往賢不將大義答開田欲懲後世八尸素敢昧前修自弄捐把似誕謾規信施何如勒苦佐豐年饅頭邊事超今古僥倖逢年是偶然

孺子祠堂

鈎黨開端慘弗舒，懸知隱逸未全疎。
姦諛孔熾吾何與，名節雖高弊不除。
盟鷺相忘尋水宿，冥鴻那復死巢居。
瀾翻平地渾漂汨，奈此悠然一葉虛。

竹里○範洪父

一晦搖湘綠，漪之與靜宜。
避人酬橘隱，延月賦襟期。
鶴至自華表，客來歌竹枝。
謝家蘭玉富，不似錦綉兒。

酬盧直院新荷

愛此青錢小，移舟傍淺涓。
團青迎俗佛，脆綠未巢龜。
翠檻細孤鏡，瑤田葑四維。
微風翻嫩紫，半捲欲開時。

泣楊承奉

車纜閉戶成輪未，碾青其蘭大騰餘。
穠蕭榮獨欠馨。

方看過秦手續草，太玄經早惜黃陳。
死無人哭小邢。

任大卿出龍眠度水羅漢○千載

故家尋釣鰲遺俗，問佛世喜逢十六人。
不聞四句偈，風姿如隱樂服御。
乃古制，湘卷發遐想，瞪目得熟睨。
絕溪將安之，染厲淺則揭岸登。
植瘦策石踞，整壞轟預流。
逮無學，勸進憚勞勤，歸然望等妙。
迢遞苦跋蹇，悠之馬不前。
塵之駕，輒稅弗悟燕安毒。
遂失遠大計，雙林受遺託。
久視不得逝，豈知古龍象所向。
必超詣弗踐，極則處弗到。
弗小憇，竭來吊形影，相與話情契。
丁寧勇著鞭，同振木方袂。

出入韻寄陸漂陽○放翁季子

漂陽令尹果誰歟陸少蓬翁小伯魚佳客來時須問
字丈人好處略瞻烏捧錢樽節開家集官事那容讀
父書獨欠舊時窮少府琴堂相對撫吟鬚

種田

秧穢纜成後溝塍蒞事初淺車防岸缺密種趁行疎
處之隣相饒喬之莠旋除夕陽歸牧豎牛背數春鉏

刈麥

恨入崆峒渺偏於麥熟時諺將勤補拙愧在素仍尸
仰識陰陽足豐酬餅餌思秋高禾黍實不與宿根期

靈隱方丈新閣接泗洲妙嵩毀之

鄉來屋老拊巖稜欲上看川謝不能衡跨半天開複

道直從平地到危層上方近聽嬰兒語前塔遙分竺
寺燈昨晚亂雲收急雨憑高如望海濤崩

長興大雄寺陳朝檜

霜皮重複裹莓苔不見君王過沛來好處莫非前輩
道後生知是幾時栽陰分背鄉青如舊心愈剛明死
弗灰却恐登壇騷稚絕亭亭似把碧油開

泣錢長官竹巖

十年同約故園歸指點雲西鳳翥奇錦綉畏川懷舊
俗琅玕披腹吐新詩更無人悼淹翔屈只有天爲慷
慨知令尹子文三已矣悠然喜愠不曾移

掉鞅英躔並雋游大巫皇恤小巫羞未將所學酬知

已先與他人作忌齋讚舌不中投虎兇終頭長恨死
驕驩山林獨有男兒泪可是無情涕泗流

寄趙仁利○安僖諸孫希呂

劇繁迎刃聽裁勅化自京師守令宜處默有聲長殷
殷所聞無善不拳拳承聯間闔天雖近下若滄溟德
更淵任是靈椿根力淺也應凡草不齊年

卽事

竹扉半掩不須敲掠面融風著柳梢燕子不知春寂
寞自街泥補去年巢

一菴

太極含三示極談初無一字可名菴明明未畫前消

息才落思惟便別參

稽睡翁輩仲至賦頤蒙齋贈澄元妙

靜倚松門掩夕霏不知求已去求誰翳花旋掃無留
薄蒙吝纜消卽善頤象尚堪明古意死茨聊復傍
寒漪是中餘地藏緘默何處人間更有詩

竹巖賦孫谷橋播間圖人徒知獻說可罪竹巖
取受說者併按

寧圖豕負塗母寫乞墻圖枉著透奇思徒將媿賤夫
矯情工諂媚失計墮闕關逐鹿身忘反亡羊口謾糊
飽雖令已王飢解把人駝毫髮無新計朝晡只故吾
有如板佞倖寧復顧柳榆竭澤先崇貨傾城後進姝

匿瑕彰外潔飾詐護中浮
豕燎難逃虱城崩孰縱狐
知幾屬明哲先物在斯須
寵數占忌醜歸心憶膾臠
東離懷醉令故態舍狂奴
鴻聽雲沈跡龜寧尾曳塗
益觀薇蕨瘦弗與割烹殊
不智方能諂非愚肯受諛
欲邀天爵貴廉耻乃菑畲

拙齋

大巧曾聞竊得靈主司關
籥鎮隨身巧還有盡無如
拙却笑天孫未識真

盧玉堂報遣人問訊水心

用舍見人物抑見天地心
生人於此時所繫亦以深
時哉薄其祐全力吾不任
向來鄒魯人抱此空沈吟

此身眇如芥列國紛於鍼
芥鍼求抵當機括常差參
沒身報不遭道在終不沉
腫三千丈光照耀不甯今
公乎鄒魯傳軒冕如山林
我亦山中人不忍鳳鳥潛
加食爲公禱以答天地心

聞謝司直齋晦赴關

謝老久不見引領豁雲隅
想隨鵝鷺行華簪小脚蹏
薄俸不暇給素約不願餘
局棋消日長局終還擁書
書中有何好剔抉排根株
飛電老逾碧分毫惜居諸
一燧伊洛傳罔之分庭除
鄉來鯨吸川今也川涿魚
靖節老止酒亦復自荷鋤
悠然羲皇上不知今何如

謝晦齋倅嘉興

春風蕪蘭莖采之山之阿廣庭拓餘地華風日編磨
芳潔漸可興榛莽常婆婆紫芽茁新穰薰蕕相錯摩
引類連根株圖蔓費斧柯何知種植勤苦心忘鬚皓
九畹與百畹恨少不恨多疑之謝庭玉比德元同科
餘光燭攜李散采搖清波太湖跨三州如此明月何
淨照律師葬母塚上生芝十二莖關子長續倚
松饒德操賦詩後九十餘載余亦賦
尸羅爲源孝爲根一根豈止十二莖沈香亭北爛繒
綺浪花浮藥爭欣榮暗之泪滴塚上土只有天知此
心苦地靈薦瑞天不靳付與千人萬人觀詩人史法
語小浮旌存筆端回萬牛紫芝不老亦不橋兩公之

詩更新好

權歌

後夜腫曠魄載生官塘猶自有人行十年滴盡征人
泪不盡彎彎月子聲

悼志首座

花雨散初筵歸來耨寸田行空梁複道拓地閣諸天
木橋春長在爐冰火不然且評溪上寺猶自說耆年
送趙樓巖分司池陽總幹

九華空衆山尤物在塵寰迥出雲雨上朝來省院間
有人皆毓勝無豹不藏斑官舍軒楹豁憑闌莫掩關
鳳翥行○寄錢氏孤

破輿不囚簾不旌短長後先白四丁旋牽蟲初裹秋
鬚月露點滴垂青冥平明驅入三家市市人驚見左
右視笑云非病亦非狂不與人同與人異抑非湖海
空橋陳不老不死亦不靈不然天台石橋寺丹碧剝
落泥應真須臾一棹脩門去却遣破輿歸鳳翥謂言
只借此樣僧非此樣莫借輿

於潛尉陳時齋獲賊

小隊氣晶晶平常白面生沈寃資大勇兇膽折先聲
山鬼晨猶寐隣厖夜不驚歷陽窮少府此話恐難并

九日

西風只識黃花面不識登臨吊古心空打孟嘉烏帽

落挂人唇齒到如今

寄寒泉○趙示迓

貧則安之豈病焉乘桴未暇况箋天翰林足避將軍
汚內史灰從廷尉然口伐固應無大敵筆耕元自有
豐年講明人爵君何欠只欠蘇司業酒錢

後潘

後潘水上竺仙家領客來分竹裡茶明日歸時須記
取白蘋騰采半開花

前彎

反關蓬華了殊書弗到前彎一月餘不見蓼花紅照
水安知秋色到西余

九日
瓦鼎松聲漲苦茶替杯中物泛茱萸白衣不識緇衣
各自擲寒英補古壺

霜曉

江楓霜後醉痕朝商略隨風趁落潮勾引梧桐三四
樹不留一葉到今朝

廣教不賦亭○李雲相看兩賦只有敬亭山譏
同游者也

眼挂層巒醉益青旋疑身是出山雲一泉一石忘情
地都作鴻溝與俗分

趙府錄官滿口謝晦齋宅相

平反固盡情此語久彌新動以中爲的居嫌怨寡隣
暗螢方自照屈蠖倚誰伸好在庭前樹長懷雪后春
蕭洒宣城掾仙源似布韋欲疏伊洛正不與父兄違
霧隱雖如晦胎仙弗願肥暮雲無恨思金溜一竿微

送沈少卿

懷哉小隱侯如水秋練子又若廉泉廉練江醜言面
一介不取人振滯亦賑貧秉彛不可攷實德無虛名
我欲借冠君九虎限天海不知穹壤間誰是冠君代
行行拜新渥新紉紫荷橐何以爲雙壽楊州一雙鶴
○公有堂名曰雙壽

按曲圖

八繭蠶抽獨繭絲舞衣嫌重要織絺君王自按霓裳
曲直到坡前駐馬時

移梅

雪消時候帶花移花笑移遲不振奇今歲弗須嫌早
計趁它一點不開時

移梅竹謝彰教寺事

蒼玉根連白玉條濕雲由之碧蕭之花含鼎實宜先
放節笑心空貴後凋友此雙清同日種聽它六出幾
時飄不如楊柳江邊樹惠淺恩疎怨不消

畫虎行

是中毒厲無停艸更復外爲物我謀汝寧殘暴我寧

爾爪距銛利何從投形與氣侔天所命陽盛陰摩成
厥性劃然殘暴反其初一瞬回頭如失影之不隨形
竟何有直與太虛爲戶牖李生解衣盤礴時筆端別
有百步威

代人挽竹巖錢長官

絕筆走龍蛇光寒瘴水涯賦寧爲問鵬騷不反懷沙
秋老半巖竹春歸三縣花誅姦埋古鐵英識欠張華
同官爲吏公以智戮之

代人與趙倉使

江淮倚襄沔兩紀當分拏皇天怒一老一正遺萬差
長城蔽江漢雙駿騰渥洼英靈萃千載智勇出一家

以德不以威以靜不以譁以信不以欺以儉不以奢
躋人上衽席含哺相啣啞胡馬飲江水犛颺掃兼葭
月明戍樓嘯風急秋城笳邊煎一夔老史筆五色花
貴烈在伯仲奎畫崇褒嘉通迭吹填箎嘈雜空淫哇
玉節飛先擊一鎗爭傳誇單騎造閭闔三舍日未斜
野款飯山館龜手疲馬搥霰雪皴衣稜敢憚千里遐
雙旌與五馬所至弓刀遮慘舒出顧眄輝光生齒牙
笑公後其樂白日無精華次邊隔江東余湧無從賒
赫炎苗不蘇激灑巧不芽紫蒸圃不畦黃粟山不畲
扶僑及襁褓顛蹄如蓬麻相看盡菜色槁立疑帝貳
精明見家法了事才咄嗟所急先民天以次清胡沙

聞瀾泉韓仲止計○商礪之子

賈團華月鎖重雲底處腫之魄載新空使霜蟾同轉
穀不容玉斧伴修輪身雖全節高泉戶天亦何心死
谷神窗外竹間梅數樹爲誰消減雪中春

謝江東丘少卿漕使○宣州趙知錄申罷三分
水花苗

宜城阡陌連當涂山田瘦瘠巧田腴築塍作巧九十
四頻年風水巧爲湖巧中飢限水入戶私迫公催爲
如虎三分更索水花苗各色剗聞限不論流移轉徙
道邊泣併日不能謀一食有生誰弗惜天年望望誰
寬倒懸急江東使者愁上眉愆然軫懷若調飢疾吁

官吏訪田里蠲租除賦甦顛隳勸糶開倉賑寒餓
命無畚出湯火貪殘俗吏漫窺窬狡獪猾胥成恠懼
家家禱公願公壽千億子孫天地久宣城彰教住山
人斐然相此歌謠聲

別宣城元僚府掾二趙東諸名勝三十韻

大織遺吏牘小織手自抄兩織九鼎重只覓一把茹
把茹住山人莫識所以然或云爾當去雲霧風翻
向之何因爾拱默俟風旨就列乃陳力尸素轉屏弃
靜推尸素元展轉竟未安一日不自營一日不敢復
竹疎不肯蕃梅瘦不肯肥豆瘠不加實菊瘁不受醫
種植係勤墮肥瘠繫天時極力敢不勉強智終奚爲

年々縣官租急不啻星火今年水粘天經冬首湯餓
人言爾何愚冉々霜萬顛料不閱墳典豈暇觀奇書
所學昧日損區々使人怨不識諸方玄况復衆妙本
列前鼓鍾沸四方走檀施問爾胡不然我則異於是
孳安只牧牛黎師獨種田老農與老圃聖智願學焉
日日洗盃盂吾豈尸吾廬丁寧勿它片只片山澤壘
謬聞世道隘樂此山林大山林今復然老我不足汰
西南天一隔首立亦有孤雲爲故山雨珠曾還合浦
竹扉間無人栢子芳嫋雲貝葉照窗几沈潛報知已

百喜圖

比翼飛梁跨碧潯玉繩低轉夜沈沈一年一度叢霄

去却下人間送好音

謝權府惠府判辨租和死於那中非商賈者
踟躕復踟躕何以昌山林華風日遙邁謬恐山不深
層巢墮孤鷓一壺藐千金苦心念惻獨賈涕翻秋淫
天書少宰價賈豎晞天恩一錢一滴蜜不甜雲水僧
冰磔寧苦寒貨殖其何能炎岡鎮烈之玉石難分明

二月十三大雪

婁慶嘉平白中春入眼疎玄冥疑倒置古史豈忘書
凍柳花慵笑癯嗟柳不舒物稀端是瑞瑞應不空虛

送江西倉使魏奏院○大有

衣廉便似挂衣冠數米晨炊度百難一節易爲千里

別萬金難售十年閑舊從不苟曾招隱新種梅花試
住山老去益高華玉價區區少室謾追攀

題水仙梨花菊蒲萄梔子

潑鮮無地著樓居自惜嫂媪鏡碧虛青女不知華玉
煖綠扶綽約翠霞裾 水仙

楚楚冰綃霧縠棠鈿華消盡弗炊粧曉雲不入朝雲
夢賦入閑居亦擅芳○梨花

蕭爽花中舊隱淪名齊宿莽著騷經殘英只傍枝頭
老收拾芳鮮飽獨醒 菊花

藤攀翠朶剪輕柔小壓涓涓翠玉流一石可償千日
醉涼州未必似楊州○蒲萄

幽雅
卷六
六
嫩玉溫柔淨弗瑕涼雲綴葉借春花水風池閣簾櫳
靜小試微薰香一花口梔子花

采石吊古

高情付酒卮心事洗咸池醉誤飛蟾急吟嗟取日遲
竟天鵬不展酌海蠡奚爲風月三千首何須竹帛書
就以道池上假山

數朵忽橫翔雲生午樹涼恍如江上畫移向澤中藏
絮落魚翻影花飛蝶趁香却疑閑日月只在此間長

送碧雲菴主歸江西

碧雲獨擅香城勝近與唐朝處士隣口陳陶隱居
傳出山來空蕙帳今回首云賦京塵菊荒尚有霜前

馥茶老寧無雨後新勞苦玉泓清淺了解嘲怨鶴斷
援嗔

賀曹秘監○陳止齋自外召入秘監曹亦蜀歸
作秘監

隴蜀歸來寵更隆舊盟鷗鷺望鵷鴻一時父子俱佳
士異代師生各少蓬芸不用防新蠹損腹須頻曬曉
曠隴道山自是樓居樣還與岷峨一笑同

謝陳紫微致香杭一再寵和仍次韻

精瓊老瓦汰沈沙蜂掠殘零晚未衙功謝囊中食玉
法鉢分天上續綸萊蔓雖引去徐留帶鞭欲行來嫩
挑○上聲 芽野蕪衆多煩飢飽敢從一筋萬錢誇

一椀甘泉煮白沙口泉名 羣峯秀整似排衙無錢
買帖臨求米背俗論交類喪家續遣新吟欺白雪又
如活火剪黃芽海商不惜兼金價傳向雞林國裡誇
可能擲米化丹砂更記人間早務衙腰欲直伸輕五
斗供慙素饗良漫千家清新變雅多奇態鄙吝消它
幾許芽不是鳳池提此話紛紛浮俗浪傳誇

送趙西里官滿歸永嘉

宣城歸到西湖寺朋舊如沙散不似盟鷺又隨西里
溪驚猿空伴北山愁同途好友須題品可意嘉篇便
獻醅摘得甘花煩見奇趁它大火未西流

寄處州高使君疎口爲西里借舟

鑄劍湖東景緯明蜿蜒飛去水猶腥欲從正脉疏清
鏡湖名不信同流有濁涇千騎道山僊部曲三
嚴畫幅老丹青一帆送客供吟眺數盡長亭與短亭

石窻代人

凝狀綺疎塵玲瓏杳數櫺風隨絮入隙月帶雲零
煖靄寒猶里秋聲夜不扃掃除平整處欲了客兒經
枝巢

欲掃鬢塵跡枚條自改門籟虛秋斷續花冷月黃昏
鳩拙休相笑鴻冥倘可捫道遙與齊物一等不須論

史孟博作軒

崔嵬方駿奔斗次又鵬鷲紫翠新如染青巉俯可援

雲低天漸近雷怒雨隨翻變化才俄頃何須問化元

寄嚴州陸使君

新棠陰接舊棠陰口放翁曾作嚴州 獨回千峯樹
上唵厚俗工夫聊變雅無弦音響付知心雲開老兔
纔飛上塵避靈犀不敢侵老釣磯前清可鏡星星應
未點華簪

曲肱室

妄覩或逢周華胥掉鞅游戰蝸甘死敵蟻竟生戾
白晝嘲便腹清談到枕流無人在陋巷誰識黑甜羞

贈鄭尊聖

束髮親前輩三朝間舊聞囊虛藏缺研刻斷綴殘文

耆古尋無跡嗟今獨有君憐君貧似我分贈只溪雲

唁趙恕可府斜丁母夫人憂

江東尋勝日月幌怕寒侵步轉屏陰玉花挑藥盡金

○怨可書云向來太夫人屏後坐聽夜談 區之留

客意的之愛兒心有子母不死因君感更深

懿質閑貞訓宗閨著令儀子蕃知必貴隣好為頓移

素節尊勤儉彤椽吐偏寄滔之東注恨何日是還期

菊礪卜居

王師且願休小為蕞山留五月涼時過千巖勝處游
子耕無父業弟唱有兄疇好在牛腰軸丁寧莫暗投

次韻盤隱陸別駕先賢堂下月夜見寄

自與先賢分不生酒缸隙地鶴隨行橋闌架碧疑虹
跨葑畛園香擬岸橫涼度綠雲花不寐盡餘紅淚燭
須更明朝秋思誰先得笑聽蘋花與蓼爭

劉誠道訪疎寮

歸途弗辨處州詩大雅遺音鑑賞稀先自有田皆種
材豈應無子不傳衣華絨不貴中朝士草具甘分北
岩薇老矣菟食何計問搖人心與去帆飛

題北山雨餘南屏春曉兩手卷

晴拂孤山破曉陰暝煙猶在柳邊深試從淡墨微茫
外商略青層到碧潯
綺疏新響轉綿蠻綠重紅輕尚帶寒老去勸舒南岩

嘯更將橫幅與誰看

贈四明言上人○水壘果子

太玄譏大白淡掃却清新紙上忽垂寶鏡中如寫真
荔丹晴態度桃暈雨精神說與松黃手緇雲不受塵

南屏春曉圖

塔穎透雲天影曙水騰分畛葑痕青鷺鷥睡起吹初
日瘦立樓東柳外汀

懷趙府錄

知義稱仲子義豈仲子明康章果何事其如通國人
國人眼芒羊眇視終不親悠々鹿爲馬擾々丹成青
軻豈好辯哉隱若不得平片矯如片羊子孝俾孝信

高風既偃草雄辯如建旆真固易爲厲亦難逃真
至今百世下粲之日與星向來宣城掾趙擅梁楚擊
束書甫言歸議者紛而紘番騰巧如緇萋菲駢州新
老我若病瘖不覺勇自鳴掾自仙源來世襲清流盟
家法廩雪霜厥緒方振振諸父相頡頏渭陽更輪因
佞賢決雄雌霄壤與渭涇軻死雖無傳此古死不泯
不與智者道此道誰商評

送常倅陸盤隱

昔人未強仕不食大官粟悠然於此時已展籥雲足
人生五馬貴入手弗轉矚我恐州縣間不足峙鸞鵠
蜀僊貝郭田二頃舊鉏玉千羊玉不橋丁寧或芻牧

陶山元祐家○陶山乃陸佃自號 文采世相屬它
日訪襟期需君玉田熟

四香花圖

虛空講得四花飛更著鮮風欵曲吹直至如今無復
見笑憑子墨寫新奇

芰谷

賦就垂天起隱淪驚飛難並鵠亭亭池塘早已騰春
馥龍麝何煩亂德馨虛應有神元不死靜觀無物不
長靈雙眸弗見南州士莫作西山雨後青

續芰谷楊兄枯荷行

水冷秋不痕鏡我雙蓬絲舉頭見池葉怒若絲不滋

美人空谷歌無衣問秋實葉胡不思葉紉成衣弗堪
著老洲宿渚琪蘅若水冷可煮枯可然蕙風撚指浮
碧漣脛綠嫩紫仍田田

洗苧歌

白水浣白苧濯之霜不如亭勻揀經緯霜漸寒疎々
天質本無玷况復隨時染秋陽暴皜々不受紅紫韻
丹茸碧縷明相掩玉手苧紗秋漱々拜了穿針樓上
月細與天孫話新潔

白苧歌

經紗纒上機梭飛玉擻々怕君尋昏遲落機寬裁衫
春心亂如蓬冉冉隨春霏芳逕曉沾露軟塵紅上衣

歸來恨塵污湔衣浣紗處難湔芳露痕易湔衣上塵

毘陵三題

闖簷起淵潛濤怒欲翻壁兩雄競厥壯踟領勇舒脊
令人未見神先憐如見當年李生醉醉鄉汗漫渺無
津墨蜚素壁風蜚腥驪雲掀霧妙入神不特神妙在
奪真鄉來識真人已朽所見不知如此否或謂此兒
鱗介胄幻作人間寫生手坐令五月六月間商羊起
解旱魃走客囚夜若聞天籟逸響琅然風雨晦曉入
西游柱史家因知壁有蜿蜒沕○天慶道院觀姑蘇
道士李懷仁畫龍行

太平寺壁滄煙浦亭勻剪得尋丈許初驚沕々欲掀

天熟視方方不踰矩潛珍毓怪疑無數又疑勇鬪鯨
鵬聚掩斂光芒不呈露定在崩奔漩復處三江既入
九派分南江北江相與隣中冷一滴渾不得滔乎清
微岷山脉故家門掩岷川雲送江入海闕蓬瀛山遙
海關三萬里一芥不浮長止止六鰲不動風不搖爛
銀城闢明霞起回頭觀此破屋壁千濤萬浪尋無跡
鄉來有術只觀瀾只今觀畫寧無術○華嚴幸水
故國有喬水獨孤去思處陳祠後庭曠落人肆蟠踞
輪困平地起婆娑半天去亭亭若爲高滴翠重於霧
水雪不知廩春秋不知數雲仍今幾何梁棟亦云婁
攀可梯天雲涉可旒海具玄鶴問耆書老鳳停孤翥

前年雷破山裂木如折筋俯觀數州地屹立障瀾柱
雖云不附麗亦豈無 助百圍振虛籟言嗟濼園誤
溜雨四十圍詩史誕彌著鏘然古栢行誰領末後句
一晦蔽蒼苔回顧空蕃庶

獨孤手自種操與獨孤雙風怒掀秋幹濤翻響暮江
卷它新步障開此碧油幢千載東歸鶴時來訪舊邦
○獨孤檜二首

惠川歸晚辭縣齋小集

壘冰瘞雪凝○去聲 霜漸凍澀苔痕老更奇旅雁
退飛寒力勁水邊雲冷出山遲

偃金竹

扶石霜虬小金膚欠玉鱗若虛終踐實寧屈不求伸
瘦卷輪因操寒低偃僂身篋管舊模寫無此老精神

聽紹上人琴

愀然勇變劃然鳴古恨沈沈易水生短髮不禁愁觸
緒恰如猿叫第三聲

賀陳中書除夕郎

小舟回櫂清苕曲林下新傳拜夕郎品固自高庸借
重官非因大始騰芳人都不到天游處馬尚能尋夜
直堂只尺鈞衡住無屋萬間庶士可曾忘

醉農圖

楚袖回旋趁楚歌曲終無策庇青娥番嗟隆准當時

樂少似雞豚社裡多

老仙平沙落陽

楚天如紙字橫斜紙闌行疎對落霞傳得夜來沙上
影不傳書信伴梅花

台州使君趙寺丞致饋

滔之銀浦寒颼颼一涓一滴皆清流向來却立望雲
漢腫之華月縣高秋霞標一馬八千丈雪鬼霜蟾在
其上光分四海涼如水小試丹斤一千里

寄黃巖趙長官

昔住白雲城裏寺清標曾揖兩巖高叢卑舊憶曾棲
棘縣壯新傳略奏刀把似山林今日看弗須湖海向

來豪時人只識鳴弦手不識無弦似醉陶

贈因長老

金猊鐵脊鐵腰頑趁鼠隨狐屈折難因是正因須自
信避岁炎熱耐岁寒

次曹少蓬梅花韻

瀾邊尋得壓殘枝遠寄蓬仙換得詩闌水花多疑雪
里漱米香透出山遲笑從秘府朱顏素潔與緇雲素
幌宜簷隙一痕華月墮伴蟾蜍玉惜貞姿

別陳給事諸公赴陸州判盤隱之約

挂包妃子基由居餘地無錢買一鉏隣寺笑貧稀住
計孤山嫌怪素離書鴻雖自去何須送鷗不曾親儘

不疎函欲寄聲尋便武只煩三十六鱗魚

吊猿

巫碛第三聲無愁亦怕聽養松煩護鼎獻菓伴看經
失樹難忘返投籠不畏高舊銘曾瘞鶴猿瘞亦宜銘

太守勸耕別駕有詩子弟賓客皆和

華風煖入勸耕危後苑詞頭欲下時父老怕公歸
速鶯在惜日燕歌遲肥生鴨頂痕遵渚嫩學搗兒蔓
染絲好是東郊元祐寺兩年千騎駐旌旗

次韻盤隱新亭

管領風煙一半閑池南池北畫闌間紅添蜀綺漸成
韻綠間湘瓊過待斑待燕欲歸簾盡卷惜猿蜚去

猶關種花先課園丁最看到叢犀賦小川

梯編

涼腋拊宮堯可捫叢玉霄一層高步武千仞拔塵囂
明月秦簫斷雕盤古篆消天漿幾時熟疑曲試芳瓢
石上坐忘歸
獵獵井間起暮寒秋聲隱隱落秋滿偶然石上聞天
籟橫滕焦梧不足彈

書壁圖

雨澀蒼崖墨色鮮長安猶自犬羊羶試臨舊刻思天
寶末上先題十四年

送俞司戶

落日東郊寺春風北固橈三年控失楚幾度到金焦
岸綠晴初重汀紅雨後消蒲牢鳴夜半欵曲度楓橋

王寺丞後圃

不獨甘棠茂午陰淨如止水照人心樓通閭闔天垂
斗雲鎖蜿蜒鼎篆金袖裏有春暈自樂尊前無客不
能吟古菱花裡青青鬚半點吳霜不敢侵

強齋高使君假山

呼猿洞口冷泉灣盡把天真作假看低切一峯庭際
立屹如九仞坐中寒閑來不覺留連久好處方知闕
砌難尤物移人易成趣莫嗔強健懶彈冠

題張於潛畫軸五首

百尾誰傳敵鯨其淺縑輕拂替丹青逸羣大成如曾
見不見當時掛角經○李唐百犢圖

昭陽燕子一雙飛
灑灑隨風懶
哺兒可是劉郎無醞
藉不教嬪御讀周詩○龍眠茶茗潮圖

老髮鬢髻兩髻了天台山裡老煙霞
間丘別後無蹤跡
又在蘭陵故相家
口梁措寒山拾得

玉虎嘶蟾嘖萬鬣五雲低
處涌蓬婆平生海若嫌
秋寫如此梁生狡獪何
梁 夜潮

颺生涼腋策茶勲欲御剛風度
海雲任是蓬萊更高處
叫蒼生苦有淮聞口梁
前茶

送王寺丞

公來蘭陵州舊俗如解醒封中小草木疑皆精神
鄉來矜陸梁今也猿鳥馴鄉來矜巧詆今也伏不伸
灸屨謹夜戶兩載俱撤扁丹車集大賈庠序登秀民
外則倉廩實內則府庫盈此特餘事耳外此請具陳
時方尚或力君閱鋒選精黃金不愛惜中的咸賞勤
重信不重金貌貅肝膽傾悠然一寸丹秋水風冷
脫使玷如粟孰掩離婁明離婁寂無覩只賦荆谿清

送郡齋兩客

五馬尊前客長沙太傅雙疆使過秦論騷反度湘江
晞露紉春佩留蟾欵曙牕東書還小隱靜勝掃紛塵
賓主在蘭陵清哉勝挾米奔機明揖遜酒令旋番騰

池草春雖度溪藤價益增梯颺十二曲曲曲欵吟朋

酬盤隱別駕

早悟玄先一日慈持身有本是無私或將重帶傷蟻
蟻弗買生魚銀鷺鷺桂實松高空壽此竹清梅瘦亦
如斯嗟成換得神仙骨小狂憑闌撚斷髭

隨官曾讀頌中興符竹將分第二燈一氣所鐘青似
鏡十成相肖澹於僧紅栽水玉不多日碧數霧鬢無
數層臺上只教猿自嘯秦簫雖美弗同登

求圖記古字於何老漁

古意蕩不反古聲今亦亡一期甜畫貴幾箇淡交長
馬去有時反豹飢無處藏劉郎鬚先老猶得訪何郎

泣瓜廬薛景石

夢與瓜廬別平明見又玄偏傍蕃手校奇正想心傳
穀賤煩豐豕風酸噎瘦蟬阿伶墳上土滴不到重泉

新竹

嫩青霄穉未禁搖細字何煩扈碧綃乘月露稍須點
滴少留墨色到明朝

贈筆工

散捉紫毫新脫穎玄泓渴飲淬鋒寒將軍翰墨場中
老避槩方知斂槩難

菊礪蘭石松菊手卷

髯高江漢歸化作木石妖搞樹怪槎枿俱趁毫端朝

研和詩
二十八
蒼蘚並砌泣老棘傷秋彫篠蕩霜不蕃蘭芷春方饒
抵死蘭芷傍不肯著艾蕭坡陀數片石仙袂拂不消
定知何處見五老前川椒

